

ხობის მუნიციპალიტეტის მესამე მოწვევის საკრებულოს ბიუროს სხდომისა

ქ. ხობი

2015 წლის 25 ნოემბერი

ბიუროს წევრთა კანონით დადგენილი რაოდენობა - 13

ბიუროს უფლებამოსილ წევრთა რაოდენობა - 13

ბიუროს სხდომას ესწრებოდნენ ბიუროს წევრები:

1. ედიშერ ჯობავა
2. დოდო გაბუნია
3. გოჩა სიჭინავა
4. ტარიელ ალექსანდრია
5. შოთა სირაძე
6. როსტევან გვარამია
7. ლევან ქავთარაძე
8. თენგიზ აბაკელია
9. ვასილ კუკავა
10. თემურ გულუა

ბიუროს სხდომას თავმჯდომარეობდა ედიშერ ჯობავა – საკრებულოს თავმჯდომარე

დღის წესრიგი:

1. N66 ხობის საოლქო საარჩევნო კომისიის თავმჯდომარის მ. ლომიას 2015 წლის 9 ნოემბრის N29/5015 წერილის განხილვა (გურიფულის თემის N66.06 ადგილობრივ მაჟორიტარულ საარჩევნო ოლქში 2015 წლის 31 ოქტომბერს გამართული ხობის მუნიციპალიტეტის საკრებულოს შუალედური არჩევნების შედეგების შესახებ)

(მომხსენებელი: ნ. შუმანია - სამანდატო-საპროცედურო კომისიის თავმჯდომარე)

2. ხობის მუნიციპალიტეტის გამგებლის გ. ქაჯაიას 2015 წლის 13 ნოემბრის N04/1888 წერილის განხილვა („ხობის მუნიციპალიტეტის 2016 წლის ადგილობრივი ბიუჯეტის პროექტისა და ხობის მუნიციპალიტეტის 2016 წლის და 2017-2019 წლების ადგილობრივი ბიუჯეტის პრიორიტეტების შესახებ“)

(მომხსენებელი: ტ. ალექსანდრია - საფინანსო-საბიუჯეტო კომისიის თავმჯდომარე)

3. ხობის მუნიციპალიტეტის გამგებლის გ. ქაჯაიას 2015 წლის 17 ნოემბრის N04/1901 წერილის განხილვა (ხობის მუნიციპალიტეტის 2015 წლის ადგილობრივი ბიუჯეტის იანვარ-ოქტომბრის შესრულების თაობაზე)

(მომხსენებელი: ტ. ალექსანდრია - საფინანსო-საბიუჯეტო კომისიის თავმჯდომარე)

4. ხობის მუნიციპალიტეტის გამგებლის გ. ქაჯაიას 2015 წლის 19 ნოემბრის N05/1922 წერილის განხილვა („ხობის მუნიციპალიტეტის გამგებლისთვის ხობის მუნიციპალიტეტის საკუთრებაში არსებული ამორტიზებული ქონების ჩამოწრაზე თანხმობის მიცემის შესახებ“; „ხობის მუნიციპალიტეტის საკუთრებაში არსებული ქონების სარგებლობის უფლებით გადაცემაზე“; „ხობის მუნიციპალიტეტის საკრებულოს 2011 წლის 25 მარტის N61 განკარგულებაში ცვლილების შესახებ“; „ხობის მუნიციპალიტეტის გამგებლისთვის ხობის მუნიციპალიტეტის საკუთრებაში არსებული ქონების სარგებლობის უფლებით გადაცემაზე თანხმობის მიცემის შესახებ“; „ხობის მუნიციპალიტეტის საკუთრებაში არსებული ქონების სარგებლობის უფლებით გადაცემაზე ხობის მუნიციპალიტეტის საკრებულოს 2012 წლის 7 თებერვლის N15 და 2013 წლის 28 თებერვლის N6 განკარგულებების ძალადაკარგულად გამოცხადების შესახებ“ და ხობის მუნიციპალიტეტის საკუთრებაში არსებული ქონების საპრივატიზებო ნუსხის დამტკიცების შესახებ“ განკარგულების პროექტების თაობაზე)

(მომხსენებელი: გ. სიჭინავა - ეკონომიკური განვითარების საკითხთა კომისიის თავმჯდომარე)

დღის წესრიგის გაცნობის შემდგომ სხდომის თავმჯდომარემ განაცხადა, რომ ავადმყოფობის გამო, ბიუროს სხდომას ვერ ესწრებოდა სამანდატო-საპროცედურო საკითხთა კომისიის თავმჯდომარე (ნ. შუშანია) და კომისიის მიერ მომზადებულ პროექტს და დასკვნას წარმოადგენდა ამავე კომისიის წევრი თენგიზ აბაკელია.

კენჭი ეყარა დღის წესრიგის წარმოდგენილ ვარიანტს

კენჭისყრის შედეგები:

მომხრე - 10, წინააღმდეგი – არც ერთი

დაადგინეს: დღის წესრიგი დამტკიცდეს წარმოდგენილი სახით

დღის წესრიგით გათვალისწინებულ საკითხთა განხილვა

1. N66 ხობის საოლქო საარჩევნო კომისიის თავმჯდომარის მ. ლომაიას 2015 წლის 9 ნოემბრის N29/5015 წერილის განხილვა (გურიფულის თემის N66.06 ადგილობრივ მაჟორიტარულ საარჩევნო ოლქში 2015 წლის 31 ოქტომბერს გამართული ხობის მუნიციპალიტეტის საკრებულოს შუალედური არჩევნების შედეგების შესახებ)

(მომხსენებელი: თ. აბაკელია - სამანდატო-საპროცედურო საკითხთა კომისიის წევრი)

მოისმინეს: თ. აბაკელია - მომხსენებელმა ბიუროს წევრებს გააცნო N66 ხობის საოლქო საარჩევნო კომისიის წერილი, რომლითაც წარმოდგენილია ინფორმაცია გურიფულის თემის N66.06 ადგილობრივ მაჟორიტარულ საარჩევნო ოლქში 2015 წლის 31 ოქტომბერს გამართული ხობის მუნიციპალიტეტის საკრებულოს შუალედური არჩევნების შედეგების შესახებ და კომისიის დასკვნა წარმოდგენილ საკითხთან დაკავშირებით (ოქმს თან ერთვის) და აღნიშნა, რომ საკრებულოს მაჟორიტარი წევრის ლაშა გვასალიას პირადი განცხადების საფუძველზე უფლებამოსილების შეწყვეტის გამო გურიფულის თემის N66.06 ადგილობრივ მაჟორიტარულ საარჩევნო ოლქში 2015 წლის 31 ოქტომბერს ჩატარდა ხობის მუნიციპალიტეტის საკრებულოს შუალედური არჩევნები, რომლის შედეგების თანახმად საკრებულოს წევრად გურიფულის მაჟორიტარულ ოლქში არჩეულ იქნა კოალიცია „ქართული ოცნების“ მიერ წარდგენილი კანდიდატი მელორი გელანტია. გამომსვლელის განცხადებით, კომისიის მიერ პროექტი მომზადებულია კანონის მოთხოვნათა გათვალისწინებით და კომისიას მიზანშეწონილად მიაჩნია მისი გატანა საკრებულოს სხდომაზე შესაბამისი გადაწყვეტილების მისაღებად.

სხდომის თავმჯდომარემ მიმართა ბიუროს წევრებს, წარმოდგენილ საკითხთან დაკავშირებით გამოეთქვათ მოსაზრებები, მაგრამ ბიუროს წევრების მხრიდან განსხვავებული მოსაზრება არ გამოთქმულა.

კენჭი ეყარა წინადადებას წარმოდგენილი პროექტის საკრებულოს სხდომის დღის წესრიგში შეტანის თაობაზე

კენჭისყრის შედეგები:

მომხრე - 10, წინააღმდეგი – არც ერთი

დაადგინეს: წარმოდგენილი პროექტი შეტანილ იქნეს საკრებულოს სხდომის დღის წესრიგში

2. ხობის მუნიციპალიტეტის გამგებლის გ. ქაჯაიას 2015 წლის 13 ნოემბრის N04/1888 წერილის განხილვა („ხობის მუნიციპალიტეტის 2016 წლის ადგილობრივი ბიუჯეტის პროექტისა და ხობის მუნიციპალიტეტის 2016 წლის და 2017-2019 წლების ადგილობრივი ბიუჯეტის პრიორიტეტების შესახებ“)

(მომხსენებელი: ტ. ალექსანდრია - საფინანსო-საბიუჯეტო კომისიის თავმჯდომარე)

მოისმინეს: ტ. ალექსანდრია - მომხსენებელმა ბიუროს წევრებს გააცნო ხობის მუნიციპალიტეტის გამგებლის წერილით წარმოდგენილი „ხობის მუნიციპალიტეტის 2016 წლის ადგილობრივი ბიუჯეტის დამტკიცების შესახებ“ დადგენილების პროექტი და ხობის მუნიციპალიტეტის 2016 წლის და 2017-2019 წლების ადგილობრივი ბიუჯეტის

პრიორიტეტების დოკუმენტი და კომისიის დასკვნა წარმოდგენილ საკითხთან დაკავშირებით (ოქმს თან ერთვის) და აღნიშნა, რომ 2016 წლის შემოთავაზებული ვარიანტით ადგილობრივი ბიუჯეტის საშემოსავლო ნაწილი განსაზღვრულია 6601,6 ათასი ლარით, მათ შორის საგრანტო შემოსავლების ხარჯზე მოდის 2347,7 ათასი ლარი, გადასახადები 3450,0 ათასი ლარი, სხვა შემოსავლები 424,6 ათასი ლარი, ხოლო არაფინანსური აქტივების კლება - 379,3 ათასი ლარი. წინა წელთან შედარებით საშემოსავლო ნაწილი გაზრდილია 177,4 ათასი ლარით, გადასახადები შემცირებულია 550,0 ათასი ლარით, საგრანტო შემოსავლები გაზრდილია 575,9 ათასი ლარით. ხობის მუნიციპალიტეტის 2016 წლის ადგილობრივი ბიუჯეტის პროექტით ხარჯები განისაზღვრა 6410,6 ათასი ლარით. აქედან: შრომის ანაზღაურება 1789,4 ათასი ლარი, საქონელი და მომსახურება 1017,6 ათასი ლარი, სუბსიდიები 3084,1 ათასი ლარი, სოციალური უზრუნველყოფა 423,2 ათასი ლარი. ხობის მუნიციპალიტეტის 2016 წლის ბიუჯეტის საოპერაციო სალდო განისაზღვრა 188,3 ათასი ლარით, არაფინანსური აქტივების ცვლილება განისაზღვრა -337,9 ათასი ლარით. აქედან: ზრდა 41,4 ათასი ლარი, კლება -379,3 ათასი ლარი. ხობის მუნიციპალიტეტის 2016 წლის ბიუჯეტის მთლიანი სალდო განისაზღვრა 149,6 ათასი ლარით. ხობის მუნიციპალიტეტის 2016 წლის ბიუჯეტის გადასახდელები განისაზღვრა 6601,6 ათასი ლარით, აქედან: ხარჯები - 6410,6 ათასი ლარით, არაფინანსური აქტივების ზრდა - 41,4 ათასი ლარით, ვალდებულებების კლება - 149,6 ათასი ლარით. რაც შეეხება სახელფასო სარგოების ზრდას, კომისიას მიზანშეწონილად მიაჩნია მოხდეს შემდეგი სახის კორექტირება: საკრებულოს ფრაქციის თავმჯდომარეს სახელფასო განაკვეთი განესაზღვროს 1500 ლარის ოდენობით, დამხმარე მოსამსახურე (დამლაგებელი) - 500 ლარის ოდენობით. საკრებულოს თავმჯდომარის მოადგილეს 1800 ლარის ოდენობით. დამხმარე მოსამსახურე (მძღოლი) 800 ლარის ოდენობით. მთავარი სპეციალისტების სახელფასო სარგო განისაზღვროს 820 ლარის ოდენობით, რაც არის 32%-იანი ზრდა. ზემოაღნიშნულიდან გამომდინარე გამონთავისუფლებული თანხა ჯამში შეადგენს 10200 ლარს. კომისიას მიზანშეწონილად მიაჩნია, რომ აღნიშნული თანხა, 10200 ლარი, მიიმართოს გამგეობის სპეციალისტების სახელფასო განაკვეთის ზრდაზე და მათი სარგო განისაზღვროს 580 ლარის ოდენობით, ნაცვლად 550 ლარისა. გამომსვლელის განცხადებით, პროექტი მომზადებულია კანონის მოთხოვნათა გათვალისწინებით და კომისიას მიზანშეწონილად მიაჩნია კომისიის მიერ შემუშავებული წინადადებები წარედგინოს საკრებულოს სხდომას განსახილველად და გადაეგზავნოს მუნიციპალიტეტის გამგეობას პროექტის კორექტირებისთვის.

სხდომის თავმჯდომარემ აღნიშნა, რომ ხობის მუნიციპალიტეტის 2016 წლის ადგილობრივი ბიუჯეტის პროექტი საკრებულოში დროულად იქნა წარმოდგენილი, გამოქვეყნებულ იქნა ადგილობრივ გაზეთში, საკრებულოს ოფიციალურ ვებგვერდზე, მოხდა მისი საჯარო განხილვა, ასევე განხილულ იქნა ფრაქციებში და შესაბამის კომისიებში, როგორც კომისიის თავმჯდომარემ განაცხადა, კომისიას გააჩნია გარკვეული სახის შენიშვნები. რაც შეეხება სახელფასო სარგოს გაზრდას, აღნიშნა, რომ შესაძლებლობის ფარგლებში რანგირების მიხედვით განხორციელდა საჯარო მოხელეებზე ხელფასების მომატება. იქვე მიმართა ბიუროს წევრებს, წარმოდგენილ საკითხთან დაკავშირებით გამოეთქვათ შენიშვნები და მოსაზრებები.

აზრი გამოთქვეს: ტ. ალექსანდრია - გამომსვლელმა განმარტა, რომ როგორც მისთვის ცნობილია მთავრობა მუშაობს ქვეყნის მასშტაბით ხელფასების დარეგულირებასთან დაკავშირებით, აქედან გამომდინარე ის პრობლემა, რომ ყველგან სხვადასხვა ხელფასები აქვთ დადგენილი აღმოიფხვრება.

კენჭი ეყარა წინადადებას წარმოდგენილი პროექტის საკრებულოს სხდომის დღის წესრიგში შეტანის თაობაზე

კენჭისყრის შედეგები:

მომხრე - 10, წინააღმდეგი – არც ერთი

დაადგინეს: წარმოდგენილი პროექტი შეტანილ იქნეს საკრებულოს სხდომის დღის წესრიგში

3. ხობის მუნიციპალიტეტის გამგებლის გ. ქაჯაიას 2015 წლის 17 ნოემბრის N04/1901 წერილის განხილვა (ხობის მუნიციპალიტეტის 2015 წლის ადგილობრივი ბიუჯეტის იანვარ-ოქტომბრის შესრულების თაობაზე)

(მომხსენებელი: ტ. ალექსანდრია - საფინანსო-საბიუჯეტო კომისიის თავმჯდომარე)

მოისმინეს: ტ. ალექსანდრია - მომხსენებელმა ბიუროს წევრებს გააცნო ხობის მუნიციპალიტეტის გამგებლის წერილით წარმოდგენილი ანგარიში ხობის მუნიციპალიტეტის 2015 წლის ადგილობრივი ბიუჯეტის იანვარ-ოქტომბრის შესრულების თაობაზე და კომისიის დასკვნა წარმოდგენილ საკითხთან დაკავშირებით (ოქმს თან ერთვის) და აღნიშნა, რომ ხობის მუნიციპალიტეტის გამგებამ წარმოადგინა 2015 წლის ადგილობრივი ბიუჯეტის იანვარ-ოქტომბრის თვის შესრულების ანგარიში, სადაც აღნიშნულია, რომ 2015 წლის იანვარ-ოქტომბრის პერიოდში მომხდარი ცვლილებების გათვალისწინებით ბიუჯეტის დაზუსტებულმა გეგმამ საშემოსავლო ნაწილში 10239,1 ათასი ლარი, ხოლო საგასავლო ნაწილში 10275,6 ათასი ლარი შეადგინა. 2015 წლის ბიუჯეტის 9 თვის შედეგებით შემოსულობების გეგმა შესრულებულია 63,7%-ით, აქედან საგადასახადო შემოსავლები გეგმიური 4000.0

ათასი ლარიდან შემოსულია 1108,4 ათასი ლარი (26,3%), გრანტები სახელმწიფო ბიუჯეტიდან გეგმიური 5559,7 ათასი ლარიდან მიღებულია 4780,0 ათასი ლარი (86%). სხვა შემოსავლები წლიური გეგმით გათვალისწინებული 475,8 ათასი ლარიდან შემოსულია 494,5 ათასი ლარი (103,9%). შემოსულობები არაფინანსური აქტივების კლებიდან გათვალისწინებული 203,6 ათასი ლარიდან შემოსულია 136,1 ათასი ლარი (66,8%). ბიუჯეტის საგასავლო ნაწილი იანვარ-ოქტომბრის თვის შესრულების მიხედვით ათვისებულია 64,7% (გეგმა 10275,6 ათასი ლარი, ფაქტიური შესრულება 6649,8 ათასი ლარი). მიმდინარე წლის 10 თვის შემოსულობების 100% ათვისებულია. გამომსვლელის განცხადებით, კომისიის მიერ განხილულ იქნა ბიუჯეტის ათი თვის შესრულების ანგარიში და შესრულების შედეგებს აფასებს დამაკმაყოფილებლად.

სხდომის თავმჯდომარემ მიმართა ბიუროს წევრებს, წარმოდგენილ ანგარიშთან დაკავშირებით გამოეთქვათ მოსაზრებები, მაგრამ ბიუროს წევრების მხრიდან განსხვავებული მოსაზრება არ გამოთქმულა.

დაადგინეს: წარმოდგენილი ანგარიში ცნობად იქნეს მიღებული

4. ხობის მუნიციპალიტეტის გამგებლის გ. ქაჯაიას 2015 წლის 19 ნოემბრის N05/1922 წერილის განხილვა („ხობის მუნიციპალიტეტის გამგებლისთვის ხობის მუნიციპალიტეტის საკუთრებაში არსებული ამორტიზებული ქონების ჩამოწრაზე თანხმობის მიცემის შესახებ“; „ხობის მუნიციპალიტეტის საკუთრებაში არსებული ქონების სარგებლობის უფლებით გადაცემაზე“ ხობის მუნიციპალიტეტის საკრებულოს 2011 წლის 25 მარტის N61 განკარგულებაში ცვლილების შესახებ“; „ხობის მუნიციპალიტეტის გამგებლისთვის ხობის მუნიციპალიტეტის საკუთრებაში არსებული ქონების სარგებლობის უფლებით გადაცემაზე თანხმობის მიცემის შესახებ“; „ხობის მუნიციპალიტეტის საკუთრებაში არსებული ქონების სარგებლობის უფლებით გადაცემაზე „ხობის მუნიციპალიტეტის საკრებულოს 2012 წლის 7 თებერვლის N15 და 2013 წლის 28 თებერვლის N6 განკარგულებების ძალადაკარგულად გამოცხადების შესახებ“; „ ხობის მუნიციპალიტეტის საკუთრებაში არსებული ქონების საპრივატიზებო ნუსხის დამტკიცების შესახებ“ განკარგულების პროექტების თაობაზე).

(მომხსენებელი: გ. სიჭინავა - ეკონომიკური განვითარების საკითხთა კომისიის თავმჯდომარე)

მოისმინეს: გ. სიჭინავა - მომხსენებელმა ბიუროს წევრებს გააცნო ხობის მუნიციპალიტეტის გამგებლის წერილით, წარმოდგენილი განკარგულების პროექტები: „ხობის მუნიციპალიტეტის გამგებლისთვის ხობის მუნიციპალიტეტის საკუთრებაში არსებული ამორტიზებული ქონების ჩამოწრაზე თანხმობის მიცემის შესახებ“; „ხობის მუნიციპალიტეტის საკუთრებაში არსებული ქონების სარგებლობის უფლებით

გადაცემაზე“ ხობის მუნიციპალიტეტის საკრებულოს 2011 წლის 25 მარტის N61 განკარგულებაში ცვლილების შესახებ“; „ხობის მუნიციპალიტეტის გამგებლისთვის ხობის მუნიციპალიტეტის საკუთრებაში არსებული ქონების სარგებლობის უფლებით გადაცემაზე თანხმობის მიცემის შესახებ“; „ხობის მუნიციპალიტეტის საკუთრებაში არსებული ქონების სარგებლობის უფლებით გადაცემაზე „ხობის მუნიციპალიტეტის საკრებულოს 2012 წლის 7 თებერვლის N15 და 2013 წლის 28 თებერვლის N6 განკარგულებების ძალადაკარგულად გამოცხადების შესახებ“; „ხობის მუნიციპალიტეტის საკუთრებაში არსებული ქონების საპრივატიზებო ნუსხის დამტკიცების შესახებ“ და კომისიის დასკვნები წარმოდგენილ პროექტებთან დაკავშირებით (მასალები ოქმს თან ერთვის) და განაცხადა, რომ თითოეულ საკითხზე მიაწვდიდა ბიუროს ინფორმაციას: 1) გამგეობის მიერ მომზადდა ხობის მუნიციპალიტეტის ბალანსზე რიცხული იმ ქონების ჩამონათვალი, რომელიც აუდიტორული დასკვნების საფუძველზე ამორტიზირებული და ექსპლოატაციისთვის უვარგისია. გამგეობის განმარტებით ავტომანქანები რენო-მეგანი და ფორდ-მონდეო 2 წელია იმყოფება საპრივატიზებო რეჟიმში და არ გამოვლინდა მყიდველი, მათზე დარიცხულია ცვეთა 56%, მაგრამ ორივე ექსპლოატაციისთვის უვარგისია, არ მუშაობს ავტომანქანის ძრავი, სიჩქარეთა კოლოფი, მანქანის იატაკი კოროზირებულია, მათი აღდგენისთვის საჭირო ხარჯი აჭარბებს შესასყიდ ფასს. ასევე ამორტიზირებულია ქ. ხობში, სპორტის ქ. N3-ში მდებარე სპორტდარბაზის შენობა, რომლის საბალანსო ცვეთა შეადგენს 60%, მაგრამ შენობა იმდენად დაზიანებულია, რომ ის არ ექვემდებარება რეაბილიტაციას, რადგანაც თხელი ბლოკით ნაშენი კედელი ჩამოშლილია, დაზიანებულია კედლის საფარი, დასუსტებულია შენობის კუთხეები, გამოუსადეგარია შენობის შიდა ფართი. ასევე მწყობრიდან გამოსულია და ფუნქცია დაკარგული აქვს ახალსოფლის ტერიტორიულ ერთეულში არსებულ თავდაცვის ნაგებობას, რომელიც სამიშია მოსახლეობისათვის. ნაგებობა მდებარეობს საბავშვო ბაღის მიმდებარე ტერიტორიაზე და წარმოადგენს ქვეწარმავალთა ბუდეს. გამგეობის ეკონომიკური განვითარებისა და პროგრამების მართვის სამსახურს მიზანშეწონილად მიაჩნია ზემოთ ჩამოთვლილი ქონება ჩამოიწეროს ბალანსიდან და მათი ვარგისი ნაწილები პრივატიზებული იქნეს აუქციონის წესით.

2) მეორე საკითხად წარმოდგენილი პროექტით ცვლილება შედის საკრებულოს განკარგულებაში, კერძოდ ხობის მუნიციპალიტეტის საკრებულოს გადაწყვეტილებით მუნიციპალიტეტის საკუთრებაში არსებული სპორტული დარბაზი, მდებარე ქ. ხობში, სპორტის ქ. N3-ში უზუფრუქტის წესით გადაცემული ჰქონდა ხობის მუნიციპალიტეტის განათლების ცენტრს. გამგეობაში შემოვიდა განათლების ცენტრის

ხელმძღვანელობა წინადადებით, ზემო აღნიშნული უზუფრუქტის ხელშეკრულების გაუქმების თაობაზე, გამომდინარე იქედან, რომ შენობა ამორტიზებული და გამოუსადეგარია. ამ წინადადების საფუძველზე შენობას ჩაუტარდა აუდიტორიული შემოწმება და აუდიტის მიერ დაიდო დასკვნა, რომ შენობა გამოუსადეგარია, არ გააჩნია კარ-ფანჯრები, არ უვარგა სახურავი, რის გამოც გამოსულია მწყობრიდან და შეუძლებელია იქ მეცადინეობების ჩატარება, ამასთან შენობის რეაბილიტაცია შეუძლებელია, რადგანაც კედლის ბლოკები ჩამოშლილია და დაზიანებულია. აღნიშნულიდან გამომდინარე გამგეობის ეკონომიკური განვითარებისა და პროგრამების მართვის სამსახურის მიერ მიზანშეწონილად იქნა მიაჩნეული უზუფრუქტის ხელშეკრულების მოშლა და შესაბამისად საკრებულოს განკარგულებაში ცვლილების განხორციელება.

3) მე-3 საკითხად წარმოდგენილი პროექტის თანახმად იჯარის წესით გაიცემა მუნიციპალიტეტის ქონება ა(ა)იპ „ლაზიერის“ ხელმძღვანელობის განცხადების საფუძველზე, რომელიც ითხოვს მუნიციპალიტეტის საკუთრებაში არსებული შენობა-ნაგებობის მდებარე ქალაქი ხობი ცოტნე დადიანის ქ. N185-ში, მე-3 სართულზე 21 კვ.მ ფართის იჯარის წესით გადაცემას, ჭადრაკის მოყვარულთა კლუბის გახსნის მიზნით. მოთხოვნილი ფართი არის დაუტვირთავი და გამგეობის ეკონომიკური განვითარებისა და პროგრამების მართვის სამსახურის მიერ მიზანშეწონილად იქნა მიჩნეული აღნიშნული ფართი დაინტერესებულ პირს გადაეცეს იჯარის წესით და მათ მიერ ყოველთვიური გადასახდელი თანხა განისაზღვროს 27,65 ლარის ოდენობით.

4) რაც შეეხება მე-4 საკითხს, მომხსენებლის განმარტებით ხობის მუნიციპალიტეტის საკრებულოს თანხმობით მუნიციპალიტეტის გამგებლის მიერ განხორციელდა ხობის მუნიციპალიტეტის საფეხბურთო კლუბ „კოლხეთისა“ და ხობის მუნიციპალიტეტის საფეხბურთო სკოლის რეორგანიზაცია (შერწყმა). წარმოდგენილი განკარგულების პროექტით ძალადაკარგულად ცხადდება ის განკარგულებები, რომლითაც სარგებლობის უფლებით ჰქონდა ზემო აღნიშნულ იურიდიულ პირებს მუნიციპალიტეტის ქონება გადაცემული.

5) გამგეობის მიერ წარმოდგენილი მე-5 პროექტით მტკიცდება ხობის მუნიციპალიტეტის ბალანსზე რიცხული ქონების საპრივატიზებო ნუსხა, განკარგულების პროექტში მითითებული ქონება ამორტიზებული და ექსპლოატაციისთვის უვარგისია და გამგეობის მიერ მიზანშეწონილად ჩაითვალა მათი პრივატიზება აუქციონის წესით.

გამომსვლელის განცხადებით, წარმოდგენილი პროექტები მომზადებულია კანონის მოთხოვნათა შესაბამისად და კომისიას მიზანშეწონილად მიაჩნია საკრებულოს სხდომაზე მათი გატანა შესაბამისი გადაწყვეტილების მისაღებად.

სხდომის თავმჯდომარემ მიმართა ბიუროს წევრებს გამოეთქვათ მოსაზრებები წარმოდგენილ საკითხთან დაკავშირებით, მაგრამ ბიუროს წევრების მხრიდან განსხვავებული მოსაზრება არ გამოთქმულა.

კენჭი ეყარა წინადადებას წარმოდგენილი პროექტების საკრებულოს სხდომის დღის წესრიგში შეტანის თაობაზე


კენჭისყრის შედეგები:

მომხრე - 10, წინააღმდეგი - არც ერთი

დაადგინეს: წარმოდგენილი პროექტები შეტანილ იქნეს საკრებულოს სხდომის დღის წესრიგში

დღის წესრიგით გათვალისწინებული საკითხების განხილვის შემდეგ სხდომა დახურულად გამოცხადდა.

სხდომის თავმჯდომარე



ედიშერ ჯობავა